



partii naleraq

UKA 2017/022-01

09-10-2017

Namminersorlutik Oqartussat missingiummut uunga isumaqataanissaat pillugu Inatsisartut aalajangiiffigisassaattut Siunnersuut Kalaallit Nunaannut Pinerluttulerinermik Inatsisip allanngortinnissaa pillugu Inatsisissatut Siunnersuut

(Killiligaanngitsumik eqqartuussat allallu inissinneqartarnerat)

(Ilaqutariinnermut, Naligiissitaanermut, Isumaginninnermut Inatsisinillu atuutsitsinnermut Naalakkersuisoq)

Kalaallit Nunaannut Pinerluttulerinermik Inatsisip allanngortinnissaa pillugu Inatsisissatut Siunnersuut Partii Naleraq sinnerlugu imannak oqaaseqarfigissuarput:

Kalaallit Nunatsinni pinerluttulerinermik inatsisip aamma eqqartuussiveqarneq pillugu inatsisip allanngortinneqarnissaat pillugu inatsisissatut siunnersuut Partii Naleqqamiit tamakkiisumik taperserparput.

Tassami ukiup tullianiik maani Nuummi pinerluttunut isertitsivissaq naammassilluni atorneqalerpat soorunami pinerluuteqarsimasunik danmark-imut aallartitsisarneq unitsinneqartussaammat nunatsinni pinerluttulerinnermut inatsit aamma eqqartuussisarnermi inatsit pinngitsooratik allanngortinneqartussaammata.

Qujanarpoq aamma nunatsinniit pinerlutunik pineqaatissiinnermut atatillugu danmark-imut aallartitsisarneq unitsinneqartussanngormat.

Kisianni aamma isumaqarpugut nunatsinni inatsisip unioqqutitsisarnerparujussuit, soorlu politiit ukiumoortumik nalunaarutigisartagaanni takuneqarsinnaajuartut ikilisarneqarnissaannut tamatta pimoorullugu suleqataasariaqartungut.

Inoqatinik toqutsisarnerit, persuttaanerit meeqqanik kinguaassiuutitigut atonerluinerit allarpassuillu amerlavallaarujussuarput. Taamaattumik massakkut qanoq iliuuseqarnissarput pisariaqarpoq.

Naggataatigut apeqqutigissuarput; 2004-imit Eqqartuussiveqarneq pillugu Isumalioqatigiissitap isumaliutissiissummini innersuussutai qanoq piviusunngortinniarlugit najoqqutarineqartigisut ? tassami taamanikkut isumaliutissiissummi ilaatigut Nuummi pinerluttunut isertitsiveqalernissaq pillugu innersuussutinut ilaammat; danmark-imi pineqaatissinneqarsimallutik inissitat nunatsinnut angerlartinneqassasut.

Taama oqaasseqarluta siunnersuutip aappassaanneerpeqannginnerani inatsinut ataatsimiitiamini suliarineqarnissaa inassutingaarput.

Anthon Frederiksen